



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 八三

中山郝中丞全集十四卷（文鈔四卷詩鈔四卷奏議四卷史論二卷） 郝浴撰

微泉閣文集十六卷微泉閣詩集十四卷 董文驥撰

中山郝中丞全集

中山集小紀

燕南學人金憲孫譔

中山郝復陽先生忠孝友愛人也其植品飭躬風采
徽猷載在家乘登之史牒當代史氏能言家又嘗著
爲論傳志銘以傳不朽不復具論獨念先生生平閱
歷多在鳥道蠶叢金戈鐵馬及雪窖冰天嵐煙瘴雨
之區馳驅萬里如履戶閭間關險阻不異坦途宜其
著作等身海涵地負囊括宇宙所得於山川之助者
可不謂尠少年被主知卽命乘驄走雲棧披荆榛
按部東川方在勾當關事巨寇薄城下多設方畧退
小紀

賊指揮既定膚功克奏強藩忘其忠梗誣蟻壞功譴
謫龍荒先生慷慨抵謫所抱影棲息手一編教子視
典屬之歲月爲長更闢銀岡書院弟子從遊日駸闢
發性命絕學所編易註孟子解紫陽綱目斷章銀州
語錄諸書秘藏名山待其人以傳若夫履困而亨蒙
難不苟其得力於大易尊陽之旨深矣故學者稱爲
復陽先生迨逆藩構旤訟言盈庭謂先生不幸而言
中曲突徙薪識先著蔡宜柄大用先是天子有事
山陵先生以累臣泣謁道左具狀陳情

聖駕止輦受言首肯至再侍臣傳有你是個讀書人

豈不明白之

俞旨先生遂絕望玉門澄心止水拚老長白鴨綠之鄉矣至是

上用薦者言賜環臺班時三逆踵叛餽饌四出大司農嗟仰屋特奉簡書推饒淮海先生搜歎陋孔纖毫不以自污悉充兵饌士馬資以飽騰淮海歲當游饑先生飭紀綱運豫章糈貲賑全活生靈以數十萬口計疏聞

聖心寬南顧之憂疊頒墨勅嘉獎增秩晉爵無虛歲差旋之明年復以大中丞簡撫粵西軍雖滇黔蜀

小紀

二

閩次第削平粵當軍旅咽喉門戶衝又定南歸旗始結撤藩之穴先生處蠻裝瘴戟運籌彈壓不遺餘策心血為枯殉軀巖疆嗣君中美天部哀其遺集以僕從事先生久又托肺腑戚屬與校讐蓋先生素以女弟君蓄我嘗稱眉山蘇長公呼秦少游眉山抹微雲君舉以相似僕遂巡避席終願以徐曰一之畢王新建者事先生也既受書卒業凡詩話卷八都居釐為詩為文為奏議各一帙帙凡四卷史論一帙凡二卷統為中山郝復陽先生全集丙夜編摩文燄燭天昔隴西李漢嘗稱昌黎文日光玉潔周情孔思千

態萬貌卒澤於道德仁義以況先生之集庶幾近之若徒規規於尺步繩趨之間必曰騷楚也賦漢也詩三唐而文兩宋也是猶以郭郭淺見求先生其失非纖則儻矣中美督命先生冢孫誠燮手書成帙用存家乘世之夢想斯文者已不翅景星慶雲須之因勉綴數語於簡端削稿再讀依然舟車追從函席請益時也先生當不以人天之隔而謬余言

小紀

三

序

長洲汪 琬荅文撰

學之所尚不同義理一也經濟一也詩歌古文詞又其一也談義理者或涉於迂疎談經濟者或流於雄放於是咸薄詩歌古文詞為小技而不屑為宜乎自漢以來遂區儒林與藝苑為二至宋又別立道學之目卒區之為三也予謂為詩文者必有其原焉苟得其原雖信筆而書稱心而出未嘗不可傳而可咏也不得其原則鉅餽以為富組織以為新剽竊摹擬以為合於古人非不翕然見稱一時也曾未幾何而水

序

解水落悉歸於烏有矣是故為詩文者要以義理經濟為之原朱徽公固理學之祖也而其詩文最工淮南渡後一大家唐之陸宣公李衛公宋之韓魏公范文正公之流其熟名在朝廷其聲望在天下後世宜乎不屑於詩文矣然而議論之卓犖詞采之壯麗五七言小詩之雍容爾雅至今讀其片言隻字猶莫不想見其風采而企慕其人然則區道學儒林藝苑為三此史家之陋未可謂之通論也定州郝雪海先生自少博通諸家日夕講求古今治亂興亡之故溯流窮源洞見根底既謫鐵嶺者二十餘年益潛心聖學

始於居敬窮理而歸諸躬行心得故其所養日邃所發日宏平居讀史則有史斷闡發周易孟子則有易註孟子解諸書是蓋合道學儒林為一者也既又取先生所作詩文而卒業焉窺其旨醇正而渾厚攬其詞清潤而雄暢舉凡撫時觸物跌宕感慨皆於是乎見之雖號為詩文專家者未之能逮也殆又合藝苑與儒林道學為一者與然則若詩若文謂之學者之緒餘可謂之小技不可觀於先生所作知其原之有自矣先生事功駿偉不在宣公衛公之下嘗密疏劾吳三桂尤有古豪傑風已備見於誌銘俱不及論但

序

論其學以序拾瑤錄云

二

序

錢塘高士奇澹人撰

嘗考古直臣亮節威棱嚴峻不畏強禦非僅以獵取聲勢而已其忠愛之忱根於性而又有學識以濟之識高則審微知著洞見本末胸中如燭照數計故能言之鑿鑿畧無畏蕙瞻顧之態山公啟事曰侍御史王啟識朗明正後來之俊夫惟識朗故明正善乎巨源之言可謂知人雪海先生昔按兩川經理軍務綢繆周匝錦江十六疏咸扼要領方是時吳逆擁重兵專制西南先生獨與之抗無少撓挫且預識其有不

序

一

臣心非其天性懇篤卓識過人能如是乎又唐中宗授諫臣制曰寒暑不易其心始終勿虧其度期直節之有恒也夫美玉經三火而增輝貞松歷嚴霜而彌茂惟寶光勁節靡所假飾以炫美一時是以屢試而不變先生自鐵嶺歸復膺臺秩視饒江淮建節粵西所歷之地聲施烜赫後先若符節焉噫

本朝臺諫嶽嶽如先生者誠不多覩宜乎爲宛平蔚州兩公所推重

聖天子知而用之俾大展其蘊負也夫言者心之聲也文章小技雖建勛策名者所弗尚顧先生於政治

之暇讀書講學喜論古今盛衰本末與夫山川阨塞輒成經世之業以垂不朽間發爲詩歌則浩浩落落無意求工而縱橫豪邁自不可及蓋先生之長留天壤與日月爭光者在氣節與事功而炳炳竹素使後之人得想見先生之性情學問者端賴詩文以傳也今先生奄然物化仲君中美示余斯集挑燈讀之注然淚下因綴數言不自知其不文云

序

二

序

蘄水金德嘉會公撰

大中丞復陽郝公曩官臺班時正色立朝有汲都尉
魏鄭公風其奉

命按蜀也當三川草昧之際發奸擯伏為民請命拜
疏無虛日至於坊改扈折芽孽深謀過計言人所不
敢言蓋頂踵膚髮不遑恤矣已而謫居鐵嶺茹藿飲
冰與二三大夫講性命之學則恍既蹕厲之氣潛伏
垂二十年迨

賜環入侍皐囊白簡發摠其悱惻當是時中外耳公

序

一

之名者莫不動容歎息以往年曲突徙薪之議為先
見云而公之智逾深勇逾沈開濟明豁舉而措之沛
如矣是故巡釐則綱舉目張有以作商人急公之大
義其有功於軍興為最撫粵則法廉振飭起瘡痍而
衽席之而表章死事諸臣尤煌煌盛典也公丁太公
太夫人憂間關跋涉及里門垂絕而蘇事諸父唯諾
惟謹老而彌肅友愛同氣索無二裝下逮族屬間左
救災捍患弛租已責書不勝書蓋公之生平大都如
此公子林於德嘉為壬戌同年進士以中山詩文鈔
史評表議藁屬編次既卒業作而歎曰嗟乎士大夫

無則大之氣浩然充塞乎天地而輒以立言自許豈
不難哉孔子曰先行其言而後從之夫忠孝行之大
端也古之人精忠篤孝往往經盤根錯節而成當其
諸艱歷試不得已而有言以見志耳公之為人臣子
也獨當其難其幾迫其慮苦其任重以危其力專以
斷幽憂鬱勃發而為言如虎跳兕決不可控禦如干
將鏖鉞之露鋒穎望之神栗又如雷掣霆驅雲興水
立端倪怱怱都非常觀也德嘉非知言者書數言志
景行焉公素交多當世之大賢君子於是集剞劂垂
竣當有操觚而序之者

序

二

清代詩文集彙編

六

弁言

淄川高 珩念東撰 庚申

予頃受復陽先生一編而卒業焉乃慨然於前賢之言不吾欺而其未盡之旨可以引而伸之無盡也夫才以濟世學以廣才此今古不刊之語也而古人之爲學也尤以見性爲本經方爲用亦以經方爲用復性爲歸此又學之歸墟不二而顯微共貫者也復陽先生海內異人也英特弱冠終賈讓席一持繡斧而出即以定力昌言震煜海內屹然如山嶽之不可撼矣然予素寡交遊未之識也迨先生編管遼海偶一弁言

把臂灑然異之時則已英華內歛淵淵爲學道人矣而瞻視非常則猶隱隱在眉宇間不可盡掩迨賜環而旋南視淮揚變政釐蠹奏最軍興賴之人又共知爲管敬仲劉士安接軫人矣夫官海之筴其弊積而不可詰也爲日已久先生此一役也遠邁前賢鼓舞盡致如濂洛之析理細入繭絲如淮陰之用兵驅市人而搏強寇恢恢游刃固救時宰相才也然而此皆先生之一呖耳豈遂足以盡先生乎先生嘗過予談次慨然曰爲人臣者無以有己無己則爲臣之義盡矣予因曰爲學亦無以有己無己則爲學之義

亦盡矣何也無己則無欲無欲則王佐之權與無己則無我無我則聖人之橐籥也彌綸六合而冲漠一中者非此物此志與先生自茲以往佐聖主之救寧而傳前哲之心印者正未有艾也夫四海之康濟須異才而千聖之薪傳惟同道予謂古人不吾欺而其未盡之義可引伸者正以此耳先生其勉之矣至經濟之遠猷詩歌之奇致有心有目者當共遜心久矣茲謹言其大者

弁言

二

粵撫中丞復陽郝公本傳

具定梁清標玉立撰

公諱浴字冰滌又字雪海後更號復陽先世由山西洪洞遷定州之唐城歷數世至恒瞻公大鈞以恩貢考授通判隱居不仕則公之父也公少有異稟年十六輒高自期許有澄清斯世之志崇禎壬午癸未間遭兵亂避難山中猶讀易不輟夜步河干尋味義理值狂飈疾雪浩然忘歸留心世務慨慕古人不屑為俗儒章句之學順治丙戌舉於鄉已丑成進士出蒙州石公申之門石公不輕許可獨稱公同士起家刑

本傳

一

部廣東司主事兼攝浙江司郎中事爬梳弊孔老吏不能欺言論風采傾動一時尋改授湖廣道御史巡按四川是時巨寇劉文秀盤踞滇黔川中尚多伏莽屠戮之後一望丘墟有司率皆營弁委署職業不修公至披荆棘立約束數徵行廉得其狀力事清釐兵將欲手先是歲屢歉撫臣請贍以牛種後每牛輸租八石歲運軍前烏道險阻人牛俱斃川民苦之哀籲撫臣噤不敢應公特疏言當日給發牛種意在救民非以謀利若再責牛租勢必流而為殍散而為盜是無蜀也

世祖允謫民困以蘇吳三桂方握重兵駐蜀軍無紀律

每結隊逃亡肆劫憚公嚴正令各路不發塘報公疏

發其奸三桂意陰忌公迨兩路敗衄東西川俱陷三

桂棄川北退至綿州欲回漢中會方補行辛卯鄉試

公當監臨聞賊且至官吏士子倉皇思竄公密令兵

將環守亟檄司道馳騎慰諭逃卒揚言秦兵旦夕至

人心稍寧而公在鎮院中剖析經義談笑自若卒竣

闈事蜀中賓興之典實自是科始也又遣健兒飛檄

邀三桂等赴援責以大義謂不死於賊必死於法一

晝夜凡七往三桂等不得已始回保寧然猶豫未決

本傳

二

公多方譬曉面授方略乃決策固守俄賊至保寧踞

錦屏山勢張甚公憑堞指揮矢石過耳屹不為動賊

夜渡嘉陵江繞出城後公輕騎適歷行間激發忠義

將士踴躍背城迎戰無不一當百竟奏大捷是役也

公功居多

世祖知公才堪辦蜀詔問收拾全川實著公具疏前後

數十上皆荷

採納詳載錦江疏中三桂挾王爵驕貴意恃兩端莫

敢誰何而公以少年書生獨挺身與抗不為小屈且

密陳其跋扈狀逆折奸萌而三桂叩之切骨矣

朝廷頒賞酬功公以得不償失疏辭不受益與三桂忤思有以中之先是司道董顯忠等類以將弁改授公奏劾仍改武用至是三桂摘公疏中目不識丁之語嗾顯忠訴於朝云能識字公竟坐降調甫歸里適閣臣涿州馮公銓溧陽陳公名夏大名成公克正試進呂公宮掖縣張公端五人合薦公才堪大用三桂恐公柄用乃撫拾前疏指爲冒功欲置之罪

世

祖察其枉流徙盛京公至徙所益潛心聖學深自奮

証期於表裏瑩徹或中夜有所得必披衣秉燭書之謳吟達旦不知身之在窮荒也故侍郎董公曰公本傳

三

在徙所見公讀書琅琅笑曰我輩尚思復用乎公苦乃爾公曰顯晦何常假一旦位卿相何以於天下蒼生董公啖其妄公灑然不爲意每凜四十無間之懼或奮身自擲幾於傷股其厲志如此尤嗜金石二程遺書築室三楹顏曰致知格物之堂危坐研究其中垂二十年今

上幸奉天公謁道左具述按蜀始末奏對詳明

上改容慰勞者久之及三桂果反如公嚮所言部院大臣及言路爭訟公冤謂三桂之所仇正 國家之所取部議皆格不行特

旨取還錄用仍補御史侃侃論列尋遣巡視兩淮鹽課繁謝請謁嚴立科條私販屏迹差竣以稱職復留差一年裕課數十萬加太僕寺少卿淮揚大校道殣相屬公倡議設六廠賑饑全活數十百萬人在差即擢僉都御史未閱月再晉左副都御史前此所未有也明年遂命巡撫廣西 陸爾日面奏畿內重地宜厚加培養秦民輸輓頻年勞倍他省宜破格優恤兼條析粵西事宜皆稱

旨賜賚有加單車之任粵西甫脫兵火閭閻凋敝官斯土者漠不以吏治民生爲念公乃大示懲創設廳本傳

四

通衢許被害者控訴特糾十餘人屬吏始各奉公又疏請汰虛糜之馬裁添設之兵預防要害簡練精銳四事皆報可往者滇中班師例以黔楚後乃假道粵西公力言土司並無郵傳馳驅瘴煙毒霧中未便又粵西灘高舟小入楚往往覆沒舊例於永郡接換後令送抵長沙公亦請照往例交卸兩者皆荷

俞允粵人如釋重負至裁兵相聚思亂公捐米千餘石以資口糧遣官沿途押送定藩舊旅歸旌道路訛傳人心風鶴公與同事者審定去留悉心區畫遠近晏然又言標兵不可去於是各省撫標俱獲半留他

如請卹死事諸臣以勵忠節資給鄉舉衣冠以作士氣建立書院以勸來學稽覈支領以清浮冒諸政將次第舉行而公以積勞兼苦瘴癘病且卒矣士民有哭者三日喪之歸也炷香叩送十里不絕公旗至設施有方得民之深又如此其先幾撫傳公弘德靈中那移帑金七萬餘兩公請以重項抵承及還足公既卒布政崔維雅與公同官上有風嫌適出發印遂修前郤誣為侵隱部議平獄追

上特嘉子公巡鹽巡撫兩任崇已愛其追賸並予祭葬蓋異數也公孝友其篤少時令其長不尋輒

本傳

自指左臂以志痛爪痕深入膚理甚至性有過人者負才卓犖有膽畧憂患之後更遂於學勇於為赴人之急不啻疾痛之在身發憤八才惟恐不盡雖歷艱難而用世之志彌久不寐至當大事他人張皇失措公不動聲色處之裕如為文可囑單詞片語妙絕天下門以內嚴若朝典坐平刻苦自厲有運籌之風自少至老所遭多苦境嗟乎殆此道之矣公有五男子其仲子於壬戌成進士沉毅公諸子亦能世其家學克昌厥後知熊熊未有艾也

贊曰嘗觀古來欽崎磊落之吟往往多吟賦壯當之

遇如雪海公殆其人與余與公交數十年登聯姻姻嘗過所居唐城覽其風土經理井然知此中有人焉翰林灌亭王君素未謀面讀公錦江十六疏驚且歎曰當吾世乃有此人哉輒造公邸舍值他出乃登堂設座再拜而去公風采蕭蕭足跡所至窮幽涉險毫無恐怖好訪古今人物以及山川阨塞靡不周悉嘗按蜀時微行山谷見一大鳥張翼蔽天世所罕覩登華嶽宿其巔候瞻嶽靈中夜見白光自空來道士云此即白帝公非有夙緣莫能見也粵西之役舟過南嶽冒雨登祝融峯頂天忽開霽遂縱觀日出沒以

本傳

太

為快遊噫嘻亦異矣憶公居塞外時偶入關共余前燭抵掌劇談經濟恒至夜分窺其英氣無少摧挫公誠偉人也哉

光祿大夫巡撫廣西都察院右副都御史加四級郝

公碑銘

孝感熊賜履敬修撰

丙寅冬十月進士郝君林自中山走書幣至秣陵以
其尊人復陽公狀來乞文於余書辭曰先君以勞瘁
卒於官四年所矣不幸身後墨議幾成不白賴
聖明洞察特賜昭雪追卹泉壤孤等將以明春歸先
君於窆惟先君曾辱交於先生願得一言以信後世
先君死且不朽予顧謏陋何足以銘公憶戊申歲與
修國史具悉公昔年按蜀被謫狀後於綸扉常讀

碑銘

十

公所上章奏及放歸寓居江左又頗聞公之督饒淮
上與所以撫卹西治蹟甚悉則予不可謂不知公者
是烏可以不文辭按狀公姓郝諱溶字永滌又字雪
海復陽其別號也上世出山右洪洞自始祖成甫占
籍中山之唐城遂為定州人八世至汝卿以孝弟力
田稱生維榮維榮生大鈞順治辛卯恩貢教授府別
駕不仕公之考也娶張氏生二子長即公公生而機
警負異材年十四五能通六籍百家言尤留心世務
高自期許講求古今治亂興亡之故而慕諸葛忠武
李鄴侯之為人丙戌領鄉薦己丑成進士廷對後慨

然謂所知曰自吾先世遺訓必惟忠愛是囑今敢不
以此身為天下衽席遂上書指陳利弊娓娓數千言
識者遽之明年授刑部廣東司主事辛卯改湖廣道
御史奉

命按蜀時巨寇劉文秀等盤踞滇黔川中屢遭屠戮
一望丘墟公至則豁免逋租若干石罷斥長吏之不
法者而民困漸蘇壬辰二月吳三桂統大兵由東西
兩路進屯川南軍無紀律洎秋雨路兵敗東西川俱
失三桂棄川北不顧退至綿州將回漢中時公方在
保寧有事棘聞賊且薄城下乃密檄總鎮嚴自明

碑銘

二

等提兵環守仍遣健卒星夜要請大兵於梓潼由是
兩路兵始回剗保寧公為指授方畧與賊拒戰大破
之捷聞

世祖嘉悅公因條析蜀事且密陳三桂跋扈狀三桂深
啣之先是有武弁董顯忠等以投誠題授司道所為
恣睢公因民怨劾罷之三桂恨公之軋已也乃嗾顯
忠等入都展辯三桂陰為左右之公坐是遂降調歸
里矣甲午春湖北撫軍缺當路爭言公文武全才可
大用且援異時守保寧為據三桂益側目於公忌公
再起與已為難乃復撫公前疏指為冒功將置之死

世祖特從寬宥流徙盛京安置時六月初一日也公至鐵嶺僦屋潛居研窮聖道日手周易一編哦咏自得不知身在冰天雪窖中也如是者十有八年辛亥冬今

上幸奉天公伏謁馬前面陳蜀事始末

上爲改容而聽癸丑三桂反朝士遂交章薦公蔚州魏公言之尤力謂郝某才守學識臣皆愧不及卽讓職亦所心願且曰郝某三桂仇也賊之所仇我之所取又何疑焉於是奉

特旨召還錄用乙卯仍補湖廣道御史公上章首言

碑銘

三

聖學聖心爲戡亂大本兼請召對滿漢閣部諸臣商確大政勿待事至而後議詞甚剴切時平涼鎮臣王輔臣從吳逆受僞劄跳梁秦隴間公疏請駐兵麟寶以固棧道兼防隴寇東下然後坐困平固之賊更令驍將急趨西河扼其衝要以爲奇兵再遣才力重臣調撥河南之甲從南陽入武關攙斷商洛之路以取漢中而於表吉一帶聲言進取長沙以牽制賊之全勢

上深然之下其疏於諸路當是時各省用兵籌餉孔亟

上特遣公巡視兩淮鹽課以佐軍需顧淮政積壞久矣公乃潔已率屬殫心釐剔宿蠹一清商民交便差竣以上考再留任一年蓋異數也無何淮揚大饑公則爲捐輸勸賑平米價設藥局開粥廠所全活甚多而又親履各場隨地設閘引江海潮水以灌河渠通鹽艘自是百廢具舉轉餉大有賴焉庚申還朝會粵西撫軍缺

上曰是非郝某不可遂以

命公公單騎就道踰月抵桂林念此邦爲黔楚襟喉徭獠雜處哀鴻未集所以撫綏安輯之者當倍於他

碑銘

四

省矣乃條陳善後事宜大畧謂粵地鳥道猿蹊水多瘴毒養馬十斃八九又新經添設冗兵數千糜餉無算併宜裁汰至鎮安泗城二土府界連滇黔土賊出沒田州爲安籠門戶龍憑魃蠱二營係控禦交南鎖鑰梧州一郡居兩廣之中扼三江之要皆宜增兵防禦而省會重地尤須良將勁卒以資驅策

上是其言悉聽公酌量區處公又爲省郵傳停鼓鑄以休民力補鄉試留學租以培士氣於是粵境大定而公則猶時時上下巖澗出入煙霧無少息遂中瘴癘疽發背卒癸亥七月十五日也得年六十有一視

公之蒞粵也值王師凱旋經費不貲藩司請暫動庫金若干兩又前撫傅公因軍餉不繼亦多所那移皆未及補足而公已卽世後署某某竟誣公侵隱坐落職追賠

上曰郝巡撫廉潔素著其所動支非係入已著免追取後其子林復上疏訟公寃

詔追復原官賜祭葬如例嗚呼公一儒生爾當三桂手握重兵聲勢赫奕公毅然與之抗衡至身被構陷投荒九死而不恤及逆賊鴟張海內騷動公乃生入榆關請纓激切卒能折衝樽俎收拾殘疆佐成國

碑銘

五

家哉定之業豈不偉然烈丈夫哉蓋公夙負奇氣卓犖自命不幸中遭困阨用能痛自刻厲以玉於成人第見其險夷一致指揮裕如共歎爲個儻非常之器而不知其崎嶇挫折於炎荒雪塞之鄉諸所以更嘗而淬礪之者殆非一朝夕之故也記壬子歲公自關外託蔚州公致書於予意極懇洽乙卯丙辰間與公同朝時過予卽執手論學語及時事輒愴然泣下嘗曰學者於倫常實際處體驗方可入道不則猶虛譚也公所見之精切如此嗚呼宜其過人者遠矣公三世考妣並以公貴

誥贈如其官元配李氏癸未殉節繼配王氏先公歿謫所俱 誥贈一品夫人繼配蔣氏側室張氏樊氏子五長相貢生娶王氏次林壬戌進士候補中行評博娶張氏次椿庠生娶梁氏次楨次枚女一適拔貢生梁穆孫男二誠燮誠燕孫女四俱幼公居官持已嘉言燬行具載國史及家乘中子特擢其生平大節之表著者而爲之銘曰

常山峩峩誕茲傑士釋褐登朝精忠自矢薦服循行叱馭直指建策徒薪逆折奸宄觸彼強藩功成名毀白狼投竄羝旄如箠啖雪吞氊皂帽頻頻逆豎弄兵

碑銘

六

勢同封豕先見何人 當宁拊髀生入玉門繡衣猶始請纓擊笏裂毗切齒乃督江淮乃巡粵鄙蠻烟掃淨瘡痍振起奮武揆文上報

天子銅柱勲名庶幾可擬蒼茫謗騰沉寃誰理思綸特降卹及蒿里九原有知自瞑色喜表忠福善昭彰如此我作斯銘用示來紀

光祿大夫粵撫中丞復陽郝公行表

膠西法若真黃石撰

蓋聞聖王御極岳降哲人光挹紫微之墟穎分黃洛之埜汲龍門之弘濤引鱗翔於二水鍾燕山之瑞氣攀羽儀於千秋於鑠郝氏肇域西晉徒履中山一傳數傳家紹孝友乃祖乃父世篤忠貞爰及光祿中丞公諱浴字冰滌又字雪海別號復陽誕降岐嶷就傅慧解陳辯毫髮卓遮車之歲橫吹玉律驚洛濱之年嘗大言曰士君子生斯世當做天下第一流人行天下第一流事信斯言也終如其志胸洞淮南早晰九行表

師之變化望風莫北定策六氣之經綸負母氏避兵甲外一劍寒光沈蓮花於玉井秉新運發篋隆中五雲耀日隨英莢於金階是則公之夙負英資當做秀才時已任天下事於一身者也我朝開國特辟人文丙戌領鄉薦已丑成進士初歷政冬官即上書極陳利弊謂治天下必先立紀綱紀綱定而後建開創之規模旋授事赤棘能獨任本曹艱鉅謂服人心必先理民命民命活而後成堯舜之雍熙以故京師為之語曰姚若侯首開言路郝冰滌大整西曹恭逢世祖章皇帝甄別臺班特鑒異材改授御史即拜詔接

下缺

馬背雲空八陣之圖簡登司馬喜動

天顏乃勅奏收拾全川之實著即詳具緩急西南之疆獨抗贊虎於軍中密陳跋扈於簡上忽恣奸宄之謗篋遂來投杼之三言以故華嶽白毫夢入孤臣之枕誓臺紅淚風吹旅鴈之書流沙欲響塞草不青骨摧雪凍灰霰霜凝望墨帟於雲嶺踏覺花於龍窪亦惟援神叙教運斗談經序三百八十四又四十有九窮神而知達化應萬有一千五百二十策五十有五成數而行鬼神更得與宮詹吉津李公少司馬昭華行表

魏公諸君子修兩程居敬之學用橫渠砭愚之功長歌午夜敲句曉天其詩有云天心祇許歸龍塞消受周公孔子書蓋自得於患難者素也辛亥今上幸奉天謁

先陵獲覲

天顏具奏平蜀始末侍從為之泣下

聖主為之改容溫綸慰勞

天語輝煌有你是讀書人豈不明白之諭自是雙親繼歿請假歸葬身勞羈旅子職勿虧盧溝水滙將慰純孝於荒天青海波平欲送忠魂於紫塞未幾癸丑

吳逆驕叛上背

聖恩金裝玉桶蛟濫昆明之浪貂尾狗續犬吠星沙之波雖神堯仁愛姑緩舞干之羽幸失波知幾早識井底之奸恭奉

上諭保奏人材大司寇蔚州魏公大司馬宛平王公先後疏薦材兼文武學醇忠孝奉

特旨郝浴著免罪取回錄用嗚呼二十二年之鉄骨再沐恩光萬有餘里之銀岡遙封書簾是則公之忠銘海嶽孝動風雷已死更生固得瀝血吞毛志定之日更生不死實見襟著治豕易成之終者也是年即

行表

四

仍授御史首言聖學聖心為戡亂大本休息軫恤為生民至計條悉安秦制楚諸路之要害簡將練兵滅寇之先籌所急請禁者武官縱部兵而戕民命有司藉謀叛以傾民家言官糾劾而內外諸吏廢格不行督撫權重而坐名題補多涉私人清買漕以蘇運餉停捐納以養人材皆通達國體敷治萬年之遠猷也仰荷

聖鑒命視淮鹺停車拜表有甘貧厲行三十餘年誓不做半截清官之疏精白一心即剔弊歸公六十餘萬盡輸為兵餉急需之用至割粳賑饑立塲者二十

七舍輸米費藥全活者數十萬家借才一年抵遺磨階官梅數本破格再秩差各准陰棠樹千章立馬明月峰頭清微太紫松柏停舟衡陽江上咸振赤水之雲霞受冊西宮鎮楚南

聖主得人賢臣重任誰曰不宣遂念哀鴻旋收封豕軫故藩遺家起昏夜哀聲於比戶調撥糧糈收白日露乃於夜街檢降寇攝官不使綠林參朱輪之路察巧吏虐政將見銅山去金馬之賓為道狹蹊瘴煙毒水虛糜之馬宜汰添設之兵止裁要地之設防宜預撫提之精銳宜簡書一入而次第施行事再舉而

行表

五

山川胥定計及於灘高水淺粵艇楚船酌千里之轉運曲籌夫峒峽隘司水師馬蘇諸洞之艱危知天下雖安忘戰必危故撫臣留標兵一半而居重以馭輕思人臣報國惟有文章故身省補秋闈再舉而僱武以修文更念荒未瞻

聖表因祈諸道咸頌

御書將見樹酒霜空兵切紅腰之舞指率日出重飛白雉之朝捧清慎勤三字龍文共朝天威咫尺清秦楚粵八萬餉金爭知民力艱難建廟祀雙忠使食祿之臣子猶知君父留學租千畝俾殊方之俊秀不廢